

新刊國朝二百家名賢文粹

新刊 國朝三百年之賢文粹卷第一百八十七

雜文

贊一

高宗夢傳說贊

無爲子元素

高宗夢得說或曰聖人之權也高宗知傳說之賢欲委之代天
取於早隸之徒儀於百辟之上慮人情弗協事難以濟故稱夢
得賢相刻像而求之寔權也已矣且唯聖能神奚夢之有哉無
爲子曰茲所謂不知聖人之所存焉耳大哉聖人之心也出處
焉而渴賢之思不忘矣恭默焉而渴賢之思不忘矣間燕喜而
渴賢之思不忘矣寤寐焉而渴賢之思不忘矣大哉聖人之渴
賢之心如是其勤也如是其專也則夢帝資于良弼發於至誠
之感也亦宜矣烏在其爲權哉余以帝王之心於急賢莫如高
宗高宗之心於急賢莫如夢得說故爲之讀去

商之夢說發於至誠委之代言格乎治平吁嗟乎武丁漢之孝

文盡猶尔情偶而夢通果懷于成吁嗟乎武丁魯之叔孫曷知
聖明夢而得生矣須歎生乎嗟乎武丁

臧文仲贊

編脩劉公貢父

魯先大夫惟臧孫及歿而不朽其言也存衆人譽之聖人誅之
其誅何如乃不一辜纖蒲之微尚不足說元龜大蔡山柰蔡忱
斬所無用寶此虛器附土爲尤恬不知避六開之廢戕民暮古
淫祀爰居莫如汾姑所謂大臣義而不從述祀誣神乃躋僖公
展禽之賢其仁其優不知則已人不汝尤知而弗言汝爲蔽賢
之烈竊位素食爲國幾時曷民生之微一穀不熟告糴于齊矢
魚于棠郛鼎在朝納忠時君迨汝不肖犯門斬關據邑求後要
君大侮蓋有從受言不可信我觀其行非聖人詆之孰究其病
嗚呼去聖逾遠人之誣人不智不仁而耀已以文世莫得知則
當置其身何以證之維臧孫辰

五賢贊并序

韓魏公

余既新夫子之宮乃繪諸弟子及左氏而下釋經諸儒于東西
序又圖孟荀楊王韓五賢於書樓之北壁遣人自國庠得前人
所撰孔子弟子既豐釋經諸儒之贊畧於其側獨五賢者無贊
焉諸生欲其速備也亟請鄙文以補之余惜其缺諸焉而不敢
護既而歎曰夫五賢者聖人之亞學者之師諸生姑敘速一時
之備使余不暇求當世能文者爲之辭而輒易言之世且譏我
諸生豈愛我哉雖然孔孟之道堯舜之德而塗巷之人亦能稱
誦之同推其善而已矣知我者宜恕焉

孟子

韓魏公

昔周之衰仲尼口矣戰國相國惟利之喜諸子紛紛乘弊而起
聖道之塞實生荆杞其誰闢之獨我孟氏堯舜吾吭仁義吾齒
芟楊剪墨略郭如砥驅彼後覺一趨聖軌惟先文公盛道其美
存而醇者孟氏而止欲觀聖人必自孟始較其大功蓋禹之火
鳴呼賢哉道孰則擬孔子之後一人而已

荀子

諸子之興實自周季各持其言求售于世六國好權遂甘其說或鬼而師或瑣而位吾道自昏斯文將墜時則荀卿力攘衆偽述數方言以見其志區判儒墨統維仁義時或用焉至王則易文公之篇論亦太至殆考其辭若不醇粹及要其歸鮮與孔異雖小疵焉道則奚累軻轅之間在我無愧

楊子

書煨秦火鬱而未光在漢之武始焉表章去聖去邈微言孰詳人各名家尚迷大方及其季也篆刻相攘實平子雲翼然高翔學通天地道該帝皇筆之于書德音洋洋周孔之法弛而再張鄙哉史堅而不自量非聖作終引為芳陽終者伊何乃道之常苟能明道胡用不臧豈此吳楚僭號稱王一時之盛豈力世之長故嗣孔孟曰荀曰楊

文中子

炎劉既終天下幅裂擾焉及隋人命將絕時亦有文甚平劉竊
人不外非斷塗一轍大道之轍幾乎息滅伊我仲淹獨愛聖哲
遭世未夷教其可闕乃舉大法備于中說續彼六經紹孔之烈
斯昔師荀實相蔡醇叛師之言儒坑書焚胡為房魏佐唐稱傑
達不稱師惟德之劣彼誠可罪在我奚缺荀之非無恣其毀媒
終孟之道與孔並列文公不言是非孰別學者之疑竊焉可決
皮子之碑司空之碣惡可誣哉萬古昭晰

文公

有唐之隆天下一字滯焉以興弊焉以補獨時之文蕩無所主
不淪沈謝則入徐庾其徒寔繁用不自許獨吾文公惟聖是矩
挺然一變而至于古道古之道語古之語學者靡然怡師而附
朱翟塞塗駁孟之禦去聖匪遠力則易舉熾哉佛老乱我中土
驅彼世人日陷邪蠱作蠹千祀其孰敢侮獨吾文公既攻且拒
以身扞之帝亦云許流離炎荒道行躬苦否則諸夏化為夷虜

惟荀與楊功實未伍肩孟其誰不曰吾祖

二賢贊

直諫孫公

鮑叔牙舉管仲而齊相以之霸罕虎蒞子產而鄭國以之治堪
早歲讀書則熟其事然泛泛未嘗深嘉其節誠以舉賢援能天
下士大夫莫有是心也且私竊怪二子之獨振聲於千古者何
哉及見龐涓之賊孫臏李斯之陷韓非雖歎士大夫之各抱器
能而微利相啗有如是者然亦未謂鮑罕之為絕軌也洎讀歷
代史冊見其間材均者相傾能埒者相排名齊者相推功等者
相厄至若平津矣蕭望之漢之名臣也方且害董仲舒而擯
枚韓延壽而殲戮褚遂良姚元崇唐之良相也方且枉誣於劉
洎擢竈於幽求矧操履名節之不逮四子者其間迭相整蠱其
可勝道也哉則蘭漸之譖屈平絳灌之毀賈生諒又不足怪也
然後知鮑叔之病管仲有不食之戒罕虎之卒子產與吾已之
歎更有以也洎後世稱齊之霸者必歸功於仲公嘉鄭之治者

亦歸績於國僑殊不知管國二子才則才矣向使不遭鮑罕二
賢援而濟之方見君鈞之讎不勝于誅民謗之累難追于黜則
殞越之痛流播之嗟不獨悲於數子也其果能樹霸勳而成治
績乎然則管國之才資鮑罕然後能成其才管國才績非鮑罕
無所能致其績故堪謂管國之才常有也而鮑罕之賢不常有
也是以其間或兩蹟而無成或寂寥而無聞若使鮑叔子反之
賢不絕于世則管仲子產之才接跡而出矣則鮑罕之賢宜其
孤聳於群流而遺聲於方祀故作二賢贊

鮑叔居齊罕生憂鄭匪專夫寵恩啓邦政惟仲僑之賢或讎而
囚或晦而損我知其久我念是君欲其治強推之授之弗進弗
蔽以用其長惟桓霸圖心枉事違未洞其宜旣獲仲父乃翻乃
手厥功用裕惟鄭之迫介于大國孰持旣瞻旣獲國僑惟股惟
肱自亡而存隱爾飛梁扶構之傾歸然巨防遏流之橫齊伯鄭
興匪莫營用知其始也恤其主匪恤其人是恤其民其終也濟

其勲匪濟其人足濟其君然後九合之績由我之績合匹實歟
之仁資我之仁其仁曷倫後之君子或異於是物害非害已利斯
利功也相奪能也相忌國困陵夷身操禍機悠悠千祀混混而
馳嗚呼二賢已而已而

延州來季子贊一首并序

東坡先生

魯襄公十二年吳子壽夢卒延州來季子其少子也以讓國聞
於諸侯則非童子矣至哀公十年冬楚子期伐陳季子救陳謂
子期曰二君不務德而力爭諸侯民何罪焉我請退以爲子名
務德而安民乃還時去壽夢卒蓋七十七年矣而能千里將兵
季子何其壽而康也然其卒不書於春秋哀公之元年吳王夫
差敗越於夫椒句踐使大夫種因太宰嚭以行成於吳吳王許
之子胥諫不聽則吳之亡形成矣季子觀樂於夷知列國之廢
興於百年之前方其救陳也去吳之亡二十三年耳而謂季子不
知可乎闔廬之自立也曰季子雖至不吾廢也是季子德信於

吳人而言行於其國也。且帥師救陳，不戰而去之，以敵敵國名。則季子之於其蓋亦少寡矣。救陳之明年而子胥死，季子知國之必亡而終無一言於夫差，知言之無益也。夫子胥以闔廬霸而夫差殺之，如皂隸，豈獨難於季子乎？烏乎悲夫？吾是以知夫差之不道，至於使季子不敢言也。蘇子曰：延州來季子，張子房皆不死者也。江左諸人好談子房，季札之間有以也。夫此可與知者論難與俗人言也。作延州來季子贊曰：

泰伯之德，鐘於先生。棄國如遺，委蛇而行。坐閱春秋，幾五之二。古之真人，有也無死。

孔子十哲贊

前谿先生

科斗燼麒麟，戮道綿隗興。不穀哀車履，敬墓木。祭如在，儼容服。義戴天人振玉。

南華真人畫贊

濟北先生

乾顛坤頤，四海朝岳。其朕日月，大空之灼。其詞風雷，乃有之作。

魚乎周乎不在濠上周乎蝶乎何有夢想惟周能蟲惟蟲能天
匪我則去然周則去然謂之聖人者非也

蘭相如贊并序

濟南先生

戰國之所謂君臣何足道哉交際不以道以勢進退不以義以
利聚而為上下散而為我尔頃刻間尔朝為上卿暮為逐客刑
於此相於彼估以為常吁可哀哉於是時終始一節忠貫金石
有若大夫者不其偉哉天下傾府庫捐重寶獻土地質子女以
餌秦秦貪嗜是獸奴隸列國唯唯奉承甘為臣妾趙之於秦僅
此支郡宜其吞聲飲憤以媚意愛聊緩誅咎國有君子義不自
喪以小抗大以弱拒彊終為敵鄰嗚呼當秦平盛治之世六台
為冢大夫之迹不可恻也以大夫之心推以事君可師哉過渑
池之舊墟想當年之高會雖非長卿之才亦有平生之慕因作
贊曰

鐵可折白可涅大夫之節身且繁玉可攻金可鑄大夫之忠直

而恭秦方虎趙方兇秦方斧趙方俎復而恐復而悚威蓋收雍
大夫之勇懦以剛變禍以福轉功逾百戰大夫之辯曹沫劫盟
計窮妄出侵疆雖復齊仲魯詘荆卿後雖嗟哉鄙天昔耻未刖
燕已爲墟斬優備武夾谷相盟大夫慕此有茲令名舞陽橫盾
毛生奉槃聊効萬一猶有可觀竊食大倉孰非事君尔來遼遼
獨無斯人嗟余之往在于歲後雖慕景行有志未就行邁靡靡
軻車渾池大夫閔余有以相之

四皓避秦圖贊

前谿先生

秦火烈俱冥飛商山蒼言采薇草木笑魚鳥嬉政方兵昏不知
漢特起憎懦衣弱其冠耻不歸愛易于良出奇相與玄茲其時
絮身爾徒老爲俄在庭鳳覽輝雲襟裾霜毛眉季鵲嗟來何遲
吾慙公護玉兒示社安公致之其隱天其遜肥出處高萬世師
擬富民侯傳贊并序

張忠定公

漢武晚年以丞相爲富民侯富民大本也侯爵勸功也唯尊之

若此將復古王之功歟嘻大朴未散民命在天風教旣闢民命
在賢賢不可黷三之非賢先王仁孝以辯之民不可擾三之生
弊先王簡儉以御之粵自桀作瑤臺民始知勞秦易井田民始
知弊所謂上開其欲而下散其束四人桓桓去勞就安百途鑿
鑿彫僞散朴喪周之民也真可哀哉一作之百取之斑白不得
息稚齒而趨駘焦勞力竭而凍飢繼之浮民斁我利非賢盜我
食何嘗少得佑助徒俾日政之改謂令德日理窮兵亦私末途
喧喧而大本取弊者於斯也哉非有大聖正智其誰拯之歟漢
洗秦弊七十年武威文經漸被四海以高祖之仁文帝之儉尚
不能推民壽鄉功磨三代加於武皇事威窮後四十年間民力
周半亟下富民之詔尊爲上公之號憂勞誠思亦至矣乎徒知
民富而後國昌不知國正而民後治吁不能師三代育民之法以
事末術良可悲矣亦由止奔流之舟雖方斯篙未若五尺之鑿
之要也療已弊之民雖百斯術未若一正其本之仁也嗚呼末

途未塞本弊味正欲民富國昌者未之有也漢雜霸道史或過矣余愛其君有富民之志巨榮富民之號又憤不能開通之因附史氏作贊以矯之替曰

五石之世事簡而民靜夏商周之世事正而民治故貧富之名稀所稱焉三代之季日人亂倫百途競新蚩蚩餓死無階休存之遂使抱仁義智能勿以要功於其間如武皇帝命富民矣又如何哉又如何哉

二疎圖贊

東坡先生

惟天為健而不干時沈潜剛克以變和之於赫漢高以智力王凜然君巨師友道喪孝宣中興以法馭人殺蓋韓楊蓋三良巨先生憐之振袂脫屣使知區區不足驕士此意莫陳于歲于今我觀畫圖涕下沾襟

二疎圖贊

箕山先生

惟一丈夫言反故鄉我觀禮經亦士之常方壯而仕迨老則謝

六何道旁歎息泣下孰知其心不自爲貴紛二宵人抑其可憐
芻豢是甘至難其歸廉耻道喪國家從之訖臻末派爲禹爲光
大夫之去允也漢亡

斬馬劍贊

諫議田公

直言貽禍雖君子之自知殺身利君固忠臣之所樂是以膏剛
腸而不顧蹈刑節以如歸垂觀史氏之書景慕朱雲受節誠堅
若金石氣烈俟風雷其悅善也若行潦之趣江河其嫉惡也若
秋鷹之逐鳥雀憤張鶴之大使請利劍而欲誅犯天顏觸逆鱗
言切直以无疑氣慷慨而不圖百寮爲之登懼一人爲之赫怒
持之下殿將寘於法賴慶忌黨其直也故成帝震怒震威丹
擗之折檻弗修青史之芳名遂遠千載之下英魂若生願揚直目
之名以贊尚方之劍曰

三哀秋色

百鍊剛德

玉匣深藏

金珠爲飾

直目毅然

就帝請焉

誅姦氣作

抗節詞專

庭辱貴重

天威震動

言雖上聞 劔不克用 鋒鏑應飛 英靈何歸 載懷美事
含毫發揮

河間獻王贊

司馬溫公

周室衰道德壞五帝三王之文飄淪散失棄置不省重以暴秦
害聖典疾格言燔詩書屠術士所礼樂者謂之狂惑述仁義者
謂之妖妄必難滅先聖之道響絕迹盡然後慊其志雖有好古
君子心誦腹藏壁府嘉錫濟泰之險以通於漢者方无一二漢
初挾書之律尚存久雖除之亦未尊錄謂之餘事而已則我先
王之道朕朕其不熄者无幾矣河間獻王生為帝子幼為人君
是特列國諸侯苟不以宮室相高狗馬相尚則夏楚聚猾僭迎
妄國雅獻王厲節治身愛古博雅專以聖人法度遺落為憂聚
殘補鉞校實取正得周官左氏春秋毛氏詩而立之周礼者周
公之大典毛氏言詩最密左氏与春秋為表裏三者不出公藝
不明噫微獻王則藝其豕豸瞠乎故其功烈至今賴之且夫觀

其人之所好足以知其心王矣貴人不好奢靡而喜書者固鮮矣不喜浮辯之書而崇正道知志明而信之篤守之純而行之勤者百無一二焉武帝雖好儒好其名而不知其實慕其華而廢其實是以好儒愈於文景而德業後之景帝之子十有四人栗太子廢而獻王最長嚮若遵大義屬重器用其德施其志必无神僊祠祀之煩宮室觀遊之費躬兵黜武之勞賦役轉輸之微且其仁豐義治風移俗變煥然帝王之治復還其必資於文景遠矣嗟乎天寶不欲礼樂復興邪抑四海自不幸而已矣

孔北海贊并序

東坡先生

文季以英偉冠世之資師表海內意所予奪天下從之此人中自有也而曹操陰賊喚假特鬼蜮之雄者耳其勢決不兩立非公誅操則操害公此理之常而前史乃謂公負其高氣志在靖難而才疎意廣詎无成功此蓋當時奴婢小人論公之語公之无成天也使天未欲亡漢公誅操如殺狐兔何足道哉世之稱人

豪者才氣各有高庫然皆以臨難不懼談笑就死爲雄操以病
亡子孫滿前而啜嚅涕泣留連妾婦分香賣履處處衣物平生
姦僞死見真性而以成敗論人物故操得在英雄之列而公見
謂才疎意廣豈不悲哉操平生畏劉備而備以公知天下有已
爲喜吳若肱漢公使備備誅操無難也予讀公所作揚四公贊
歎曰方操害公後有曹國舅子慨然爭之公庶幾不死乃作
孔北海贊曰

晉有弱奴盜賊之靡欺孤如操又矚所耻我書春秋與齊豹齒
文舉在天維云不死我宗若人尚友千祀視公如龍視操如鬼
諸葛忠武侯畫像贊 南軒先生

惟忠武侯識其大者仗義履正卓然不舍方卧南陽若將終身
三顧而起時哉屈伸難平者事不昧者式大綱既得乃目乃隨
我奉天討不震不竦維其一心而以時動噫矣此心萬世不泯
遺象有嚴瞻者起敬

管幼安畫像贊并引

潁濱先生

子自龍川歸居潁川十有三年杜門幽居無以自適稍取舊書
關之於求古人而與之大蓋於三國得一人焉曰管幼安少而
遭亂渡海居遼東三十七年而歸歸於時虜不應朝命年八十
有四而沒功業不加於人而子惻何取焉取其明於知時而庸
於處已云尔蓋東漢之喪士大夫以風節相尚其立志行義賢
於西漢然時方大亂其出而應世鮮有能自全者潁川荀文若
以智策輔曹公方其擒呂布燒袁紹皆談笑而辨其才與張子
房比然至於九錫之議卒不能免其身豈誠張子布忠亮剛簡
事孫氏兄弟哉江東之業然終以直不免力爭公孫淵事君追
之義哉絕平原華子魚以德量重於曹氏公予致位三公然曹
公之殺伏后子魚將命至破璽山后而害之汝南許文休以人
物臧否聞於世晚入蜀依劉璋先主將克成都文休逾城出降
雖卒以爲司笏而蜀人鄙之此四人者皆一時賢人也然直已

者終害其身而枉已者終喪其德處亂而能全非幼安而誰與
哉舊史言幼安雖老不病著白帽布襦袴布裘宅後數十丈有
流水夏暑能策杖臨水盥手足行園囿歲時祀其先人絮帽布
單衣薦饌饋跪拜成禮予欲使畫工以意寫其畫之者李公麟
善畫有顧陸遺意今公麟死矣恨莫能成吾意者姑爲之贊
曰

幼安之賢無以過人予獨何以謂賢賢其明於知時審於處已
以能自全幼安之老歸自海東一畝之宮閑不求通白帽布裘
舞雲而風四時烝嘗饋奠必躬八十有四蟬蛻而終火非漢人
老非魏人何以命之天之逸民

王通贊

明道先生

小人無是當世已棄君子有非萬世猶譏錄其所是弃其所非
君子有歸因其所非弃其所是君子幾希惜哉仲淹壽不永乎
非不廢是暇不撓璣雖未至聖其聖人之徒歟

唐魏鄭公贊并序

韓魏公

唐相鄭國魏公魏之曲城人也。以命世之才，逢不出出之主，專以仁義之道，切磨規諫，欲俾厥后坐有唐虞，謂守文之難過於創業，帝用其說，不四三年，遂興太平，較其大功，不下於杜大名之事。有鄉賢堂，蓋以故丞相文正王公忠愍冠公尚書忠定張公侍郎王公崇儀柳公皆文武鉅賢，出吾里中，圖其儀形而尊祀之，起生徒之志誠盛事也。然唐距本朝為最近，若鄭公之德業，閎大超然，獨出得不為鄉賢之冠乎？其可遺哉！余求得其像，建堂于宣聖殿之北，鄉賢堂之南，以完其美。昔成黜曰：彼文夫也，我丈夫也，吾何畏彼哉！今夫孝者既得良師友，朝夕講習，開益以進其善，又觀所圖吾里之賢者，陞名偉蹟，卓然不泯之如此，豈不思曰：彼能之吾反不能哉？亦在乎勉之而已，系而為之贊曰：

荷唐魏公 相千太宗 諫勇賈育 力摩上聰 術則仁義

道惟大中 堯舜我后 皇藏我躬 遭會真主 言行計從
引金自况 謂公良工 以公喻鑑 煥乎吉凶 君如是聖
臣如是忠 宜不替月 亟成治功 高視三代 誰其比隆
惟魏之學 鄉賢是崇 圖祀者五 誠德之豐 公實生魏
群賢之雄 尊近遺遠 教斯未充 吾得公像 載敬儒宮
義一為勸 禮增有容 學者來視 以嚴以恭 高山景行
來發其蒙 有美魏都 大河注東 如公之名 泊然不窮

張曲江畫像贊并序

魯國先生

大觀四年冬吾南遷至曲江其故者為吾言唐開元中平虜師
張守珪遣偏將安祿山奏事京師張文獻公見之大驚密請除
之不從未幾守珪入朝安祿山引兵襲契丹大敗所亡矢以萬
計公請以軍法誅之又不得後二十年祿山稱兵犯順公之沒
蓋十六年矣明皇在蜀始悔不用公言於是遣使度嶺弔祭以
舊史驗之良然吾嘗謂明皇一日殺三庶人如刈竹葦如剖瓜

無辜貶願惜而誅一胡雖如拔齒然此何理也方是時唐祚將衰親疎厚薄之序一切倒置陸夷至於天寶之末人倫天理絕滅貶壞故張垧其婿也而先叛永王其子也而又叛太子起兵至靈武則又叛雖微祿山唐祚未必不喪而唐祚之衰自祿山始明皇嘗嘆公沒朕不復聞忠言正使公存吾知其言不復用矣公平生論事至多而斯言不用尤可痛恨吾欲訪其故居而弔其墓識其子孫以求其遺風餘烈時方遷葬勢有所未暇獨得其遺像流涕而贊之曰

魏武言典午不可親而文帝待之坦然不疑也齊王攸言胡雖不可養而晉武寵之確然不移也莫親於父子莫愛於兄弟有所蔽則親愛莫得而奪之況於疎遠乎然則公言之不用固其宜也意先事而言則未信已至而悔則無及前世之敗未有不由於斯也可勝道哉可勝痛哉此吾所以見公之像流涕而嗟咨也

新刊 國朝二百家名賢文粹卷第一百八十八

雜文

贊二

李太白畫像贊

并序

雷夏先生

予嘗讀謫仙傳其傳其事始而隱以俟命也中而仕以求用也
終而退以全身也又嘗讀謫仙文微達其旨頌而諷以救時也
辯而奧以矯俗也清而麗以見才也而未識謫仙之容何太息
矣恨不得生于天寶間與謫仙挈書秉毫私願畢矣有時沐肌
濯髮齊心整衣屏妻孥清枕簟磬鑪以祝拂榻而寐意者求吉
夢而覩仙姿也虔索逾月禱之弗徵噫凡目無分而覩之也仙
容無靈而察之也人欲方切天從忽來丁丑中濟倅高平趙公
即故相之子也既在厥職因而造焉公暇之間語及皇唐之士
予以謫仙為首稱去得其具出次相示予乃彈冠拭目拜首而
窺之宿志素心於是併遂觀乎謫仙之形態秀姿清醲藹藹露

曉濯金盞謫仙之格骨寒氣自泠泠碧江下浸秋石山畔半暝
醉魄初醒海底驪龍眠濤枕浪仙袂任聯翼豪狂斜松顛皓鶴
宿月棲霞龍竹自攜烏紗不整異貌無足華歆若生真所謂神
仙中人風塵外物者也亦既遂願能無遂乎且夫畫尤國之形頌
而美德寫曼倩之質讚以紀功矧我謫仙之文行或謹為讚曰
仙之來兮我眷焉曳素衣兮遊紫庭仙之去兮騎長鯨
拂霞袖兮歸滄溟雲濤雪波圍蓬瀛是誰仙筆留其形
國風缺壞無人補空其鶴態高亭亭

李太白畫象贊

姑溪居士

舉目一世空無人當時何有高將軍龍塞驚鴻者固莫群晴夫方
里惟孤雲冥冥何也非我塵我欲從之嗟此身形容不到浪自
分坐令魯叟悲獲麟

王摩詰自寫真贊

浮休居士

豈而不歌涅而不淄芳實若詩不迎不隨淨名俊身德形支離

水際石上枯松一枝援筆自寫神留幹移四百年外適與我期
終日偶坐亦莫知平與世爲同時嗟予何知徒能贊公之畫不
公之辭意嘆其畫其辭豈予之師

裴賢公畫像贊并序

文潞公

尚書郎武功蘇才翁得裴賢公畫像於大資政宣公謂與家藏
舊正類因以相示予嘗讀裴公自題寫真贊有靈臺善狀之
句意公負其所蘊謙不自信俟他人發明之而當時多嫉公勳
德或云干蔡者胡公何為焉又逢吉輩謬爲誣言以傾公獨賴
正人訟其誣枉僅免於禍雖宗閔素出其門猶憾不引爲相擠
公子梁則於其時孰肯楊公之瑜後世史官於公無嫌追書公
美近乎實錄噫豈群邪醜正見抑於當時耶將貴遠賤近人之
常情耶予仰公之風觀公之像因原公意輒續公贊

繪事雖巧

傳神寫照

公之靈臺

孰觀其妙

靈臺崇崇

舍和處中

經始勿亟

積善累功

賢人之業

仗義資忠

人不吾譽 吾不爲沮 人不吾毀 吾不爲喜 竊笑公意如是而已

吳道子畫五星

老泉先生

世稱善畫曹興張繇墻破紙爛兵火所燒至于有唐道子姓吳獨稱一時蔑張與曹歷歲數百其有幾何或鑿于碑以獲不磨吾世貧窶非有富貴堂堂五行道子所摹歲星居前不武不挑求之古人其有帝堯盛服佩劍其容昭昭熒惑惟南左弓右刀赫列奮怒木石焚焦愛恨下土莫敢有驕崔崔土星瘦而長腰四方遠遊去如飛颺倏忽萬里遠莫可招太白惟將宜其壯夫今惟婦人長裾飄飄抱撫四弦如聲嘈嘈辰星北方不履不妖執筆與紙疑然不置粧非今人膏傅黑膏唯是五星筆勢莫高昔始得之爛其生絹及今百年墨昏而消愈後愈遠知其若何吾苟不信是亦不遭

韓文公見太嶽畫像贊

西山先生

世傳昌黎韓文公像或云即韓熙載有誤於同姓同謚者余當
問故吏官劉方明方明家潮陽當知其真妄間以唐人畫公見
太巔善本寄余未定山房與孔幾私記退之豐肥喜睡每來吾
家必命枕簟公腰腹空大慢膚多汗等語合益矢三所像果非
是公之喜太巔而喜無本澄觀文暢高閑頴淡靈惠輩无異佛
之徒足公詆其師之力詐作公與太巔往來文字皆猥近不實
孟簡自學于太巔又因以挽公故公報書云云蓋公在潮陽時
已有妄言公與太巔事者矣雖然公之論太巔曰頗聰明識道
理又曰能外其形骸以理自勝不為事物侵乱又曰胸中無所
滯焉乎斯亦奇矣余因方明所授公與太巔像為之贊曰
吁韓公古遺直逸群枉抵擯斥卧江海鄰鬼域太巔者尚冲寂
其所契猶宿昔公之嚴佛可擊於此士若有得想其人每太息
徵畫圖從故國方明氏今趙德

陳希夷先生畫像贊

西山先生

大祿在德五姓不食強羸相兵大地爲赤果非至人孰援此溺
赤龍魚服衆所不識一顧笑嬉授受以職大功數十半繫其力
商鄒渭濱彼若有迹既成乃居爲人所役吾將曷歸北于斗極
凜此嶽鎮昭臨一國曰仙者流山澤之瘠自治不豐於世何益
唯其英風可冒區域嗚呼先生是曰知易

郭忠恕畫贊

并序

東坡先生

右張夢得所藏郭忠恕畫山水屋木一幅忠恕字恕先以字行
洛陽人少善屬文及史書小字通九經七歲舉童子漢湘陰公
辟從事與記室董喬爭事謝去周祖召爲周易博士國初與監
察御史符昭文爭忿朝堂聚乾州司戶秩滿遂不仕放曠歧雍
陝洛閒逢人無貴賤口稱猶遇佳山水輒留旬日或絕粒不食
盛夏暴日中無汗大寒鑿冰而浴尤善畫妙於山水屋木有求
者必怒而去意欲畫卽自爲之郭從義鎮岐下延止山亭設綃
素粉墨於坐經數月忽棄醉就圖之一角作遠山數峯而已郭

氏亦實之校有富人子喜畫日給薄酒待之甚厚又乃以情言
且致匹素怒先為畫小童持線車放風為引線數文滿之富家
子大怒遂絕時與役夫小民入市肆飲食曰吾所與游皆下類
也太宗聞其名召赴闕館下內侍省押班竇神興會怒先長跪
而美忽盡去之神興詰問其故曰聊以效類神興大怒除國子
監主簿出館下太學益縱酒肆言時政頗有謗讟語聞決杖配
流登州至齊州臨清謂部送吏曰我逝矣因指地為穴度可容
面俯窺焉而卒藁焚道左後數月故人欲改葬矣但衣衾存焉蓋
尸解也贊曰

長松搖天蒼壁種水憑欄飛觀縹緲誰子空蒙寂歷煙雨滅沒
悲先在焉呼之或出

王元之畫像贊并序

東坡先生

傳曰不有君子其能國乎子常三復斯言未嘗不流涕太息也
如漢汲黯蕭望之李固吳張昭唐魏鄭公狄仁傑皆以身殉義

招之不來麾之不去正色而立子朝則豺狼狐狸自相吞噬故
能消禍於未形救危於將亡使譬如公孫丞相張禹胡廣雖累
干日緩急豈可哉故翰林王公元之以雄文直道獨立當世
足以追配此六五子者方是時朝廷清明無大姦慝然公猶不
容於中耿耿如秋霜夏日不可狎玩至於三黜以死有知不幸
而處於衆邪之間安危之際則公之所爲必將譴世絕俗使斗
筲穿窬之流心破膽裂豈特如此而已乎始余過蘇州虎丘寺
見公之畫像想其遺風餘烈願爲執鞭而不可得其後爲徐州
而公之曾孫汾爲兗州以公墓碑示余乃追爲之贊以附其家
傳云

維昔聖賢患莫已知公遇太宗允也其時帝欲用公公不少貶
三黜窮山之死靡憾咸平以來獨爲名臣一時之至萬世之信
紛紛鄙夫亦拜公像何以占之有此其願公能泚之不能已之
茫茫九原愛莫起之

楊文公寫真贊

范文正公

楊公以武吏之靈降于我宋在太宗朝以聖童被召三命至著作佐郎直集賢院在真宗朝荐當清近終翰林學士工部侍郎公以斯文為己任繇是東封西祀之儀修史脩書之高皆歸大手為皇家之盛典當時臺閣英游蓋多出於師門矣而命世之才其位不充故天下知公之文而未知其道也昔呈文正公居宰府僅二十年未嘗見愛惡之心天下謂之大雅冠萊公當國真宗有澶淵之幸而能左右天子如山不動却戎狄保宗社天下謂之大忠樞密扶風馬公慷慨立朝有犯無隱天下謂之至直此三君子者一代之偉人也公與三君子深相交許情如金石則公之道其正可知矣然端言方行回邪忌之故嘗避權曰之禍歸陽翟山再起會真宗不豫中外為憂萊公將膺大計正前星於北辰引太陽於少海公預宏議就高文間弗克行既終而会上知之乃下詔追復贈禮部尚書謚曰文今觀公之真而

爲贊云

嗚呼楊公兩朝清風盛乎斯文直哉耿躬端者我遊邪者我仇霖雨不作日月其流仰止遺真雍雍哲人吾不知乎爲之仙爲之神

三荊州畫像贊

老泉先生

太山崇崇東海滔滔蟠爲山東公惟齊人齊方千里而吾獨見公公在荊州或象其儀曰鬚紅頸謂公方壯公生辛丑天子之老誰謂公老其威栢栢鎮天子之南邦

王仲儀真贊并序

東坡先生

孟子曰所謂故國者非謂有喬木之謂也有世臣之謂也又曰爲政不難不得罪於巨室之所慕一國慕之一國之所慕天下慕之夫所謂世臣者豈特世祿之人而已三室者豈特後富之家也哉蓋功烈已著於時德望已信於人譬之喬木封殖歲養自拱把以至於合抱者非一日之故也平居無事商功利課

毀家誠不如新進之士至於緩急之際決大策安太衆呼之則
來麾之則散者惟世巨室爲能余嘉祐中始識懿敏王公於
成都其後從事於歧而公自許州移鎮平涼方是時虜大舉犯
邊轉運使攝帥事與副總管議不合軍無紀律邊人大恐聲搖
三輔及聞公來史士踴躍傳呼旗幟精明鼓角譟亮虜即日解
去公至燕勞將佐而已余然後知老曰宿將其功用蓋如此使
新進之士當之雖有韓白之勇良平之奇豈能坐勝默成如此
之捷乎熙寧四年秋余將往錢塘見公於私第佚老堂飲酒至
莫論及當世事曰吾老矣恐不復見子厚自愛無志吾言既去
二年而公薨又六年乃作公之真贊以遺其子輩詞曰

堂堂魏公配命召祖顯允懿敏維周之虎魏公在朝百度維正
懿敏在外有聞無聲高明廣大且公宜相如木百園宜宮宜堂
天既厚之又貴富之如山如河維安有之被篋公子既陋且寒
然勞永憂莫如其賢而不觀此佩王劔履晉公之孫魏公之子

文與可畫墨竹贊

東坡先生

與可之文其德之糟粕與可之詩其文之毫末詩不能盡溢而為畫變而為畫詩之餘其詩與文好者益寡有好奇其德如好其畫者乎悲夫

韓忠獻公畫像贊

陵陽先生

忠獻王歿四十餘年富靖康初元女真犯河北所過蕭然入相州傳孝寺見王畫像下馬羅拜秋毫不犯而去某初聞之道路及知黃州王孫相謫於黃問之信然且出畫像屬某為贊惟王盛德非贊所能盡請紀近事以示後世贊曰

蓋世之名格天之績謗之奚損譽之奚益王薨雖久威愴群狄有聞遺風罔不心惕曩時契丹覬王之子蠢茲女真亦拜松梓帝赫斯怒戎事方起願持此圖以靖邊疆

東坡先生畫真贊

濟北先生

非儒非僊非世出世間不可以綸繳亦不乘風雲而上天何居

乎猶心醉經目營海既逍遙乎濤瀨忽焉橫枝枝脉而舒繭焉
鳳之音猶在耳而入固已反乎無在也

東坡先生贊

姑溪居士

東坡僊人岷我異直道自而外弗類斯攢有繼皇皇期之英杭
豈其止之成是貝錦天作人遠言何從誌聞已緘然見孰不凜

又

天作斯文萬物所叩時慘時舒與天同運其誰特立卓哉吾人
黃且落矣蔚然常春見險弗止自信無悶求仁得仁於我何怨
光時顯被外薄四吏載瞻載仰百世之師

東坡贊

木馬先生

四十年來捉麈羣世人欲殺故當爾海瘴昏天了不驚聞有真
丹滋髮齒

蘇子瞻畫石贊

編脩劉公貢父

子瞻畫石突元旁磚廉校深重可以掌摸公爲予言我非有師

意與神會自然得之或十日不成或一揮則就既曰得之何暇
宿留公誓不畫鬼爲約發興自余軒蓋擲落與公神交軼出
區外鬼如公何念公無悔

東坡畫贊

內翰洪公

世之傳先生者多矣西湖之容少以澤僂耳之狀鰲而瞻鰲城
之麓帶障以胸雪堂之野清英而粹和皆彷彿其近似曾未足
以爲東坡也是出于蘇氏之廟宜取明無差矣至其道德文章
皦如日星萬世而不磨者蓋不在夫丹青之唯阿也

新刊國朝二百家名賢文粹卷第一百八十八

新刊 國朝三百家名賢文粹卷第一百八十九

雜文

贊三

黃門贊

木鴈先生

徙得鱣魚猶是怪賦成鵬鳥不為凶雲間小陸行藏事盡付畫
師模寫中

劉道原畫象贊

并序

後山先生

是非賢否一卅所同既久則反豈同時皆愚而右之人皆智蓋
利害好惡出焉則毀譽不得其正以是而言則前私而右公也
漢之人謂公孫丞相為賢汲黯為戇至于今則公孫諛而汲直
也其相反蓋如此廬山劉道原豪傑名節之士黯之流者以義
正利以直正曲苟言特行別析是非曰黑絲髮不貸如權衡度
量如水之鑒如絜之度既不可欺以私又不得逃其目雖一時
貴權氣餘勢力排山倒海不置也死生窮達不到其心故終其

身亦不變當道原之時識與不識相隨詆之如復仇施其逝未
幾而念慕歎詠其平生之晚也更年百歲日遠日公則宜如何也
耶雖然武帝叔祖衛大將軍傲丞相而敬黯淮南諸子其怨漢
至不沐浴三十在獨畏黯不敢發又爲之復謀其君臣相謂丞
相可說大將軍雖不可說蓋可刺也至黯復不敢刺則其同時
固有知之者矣其所謂慙以其不知利尔利非黯所知也丞相
則知之矣故可說而下也道原遭時承平故其効莫見雖然小
人之爲不善蓋有畏而不發者矣其補於世豈少哉紹聖四年
春過巨野佐有義義仲者其子也始拜其像而嘆曰晉人有玄廉
闊雖千載凜有生氣曹李雖在如九泉下人士雖後之其何恨爲
之贊曰

孰屈不伸有亡有存有一其得曷校後前其剛斯何寧折不乖
其直斯何正人如已賢則過之有張不弛維利不嗇不侮不畏
兒不踰中氣蓋一世維死不忘子立特起黃龍司馬既叙且名

自是以達况茲其今千載之下凜然其生載之丹青益永歌聞
龍眠居士贊
木鴈先生
與古為徒家有玉府韞櫝繡繡光氣穿之餘力游藝妙厭礙頭
何為如斯以其賢哉

山谷贊

木鴈先生

卓卓清瞻水月一境拔思天淵詩壇筆陣洛陽紙貴慈息禁盡
碑照四裔履滿戶外蟠不能拒輒然睡對我困欲眠了汝三昧
玉定國真贊
東坡先生

溫然而澤者道人之腴也凜然而清者詩人之癯也雍容委蛇
者貴介之公子而短小精悍者游俠之徒也人何足以知之此
皆其膏也若人者赤不驕困不撓而老不枯也

素小游真贊

東坡先生

以君為將仕也其服野其行方以君為將隱也其言又其神昌
置而不求君不即即而求之君不藏以為將仕將隱者皆不知

君者也蓋將挈所育而棄所遇以游於世而卒友於其鄉者乎

李端叔首贊

東坡先生

須錢之奉然眉宇之淵然披曾服之軼然以為可得而見汝則漠乎其無言以為不可得而見汝則已見畫于龍眠矣烏乎其將為既琢之玉以役其天乎其將為不雨之雲以抱其全乎抑將游戲此世而時出於兩者之間也

漸溪先生贊

南軒先生

於惟先生絕文直是繼窮原太極示我來世

明道先生贊

南軒先生

於惟先生會其絕全天理之揭聖本淵源

伊川先生贊

南軒先生

於惟先生極其精微俾兩立德循循有歸

羅浮二賢贊并序

魯國先生

葛稚川化去三十餘年單道開始來羅浮今山中人知有稚川

而不知有道開蓋樵川既為鄧岳所留居山燒煉者書有數年
丹竈具存而道開平日惟日食細石救百瘡无所為以故後世
莫得而考陳郡來公雖作道開贊然宏旨為相温作九錫文矣
此手豈宜復弄世外事而贊文亦復不見於世遂作二贊書之
山谷而不顯其處以貽後代之好奇者云

江左日陋无復德耀翔而不集翩然南飛鄧岳細兒如仲餘黨
豈識知之亦復瞻仰吾緣外丹遂居羅浮豈以岳故而識去留
所就者大寧邨其小吾與岳遊如狎鷗鳥

右贊雅川

世人茹桑剛則吐之題抄爛飯口如牛呵至人忘物剛柔一致
其視食石如嚼飢餅北平飲羽出於開心食石之理於此可尋
我雖不能而識其理庶幾游之以厲其齒

右真道開

吳六尉畫像贊并目

高隱處士

故龍圖閣直學士給事中教海郡開國侯贈太尉興國吳公敏
功之先君視公之人行也元豐中敏功猶及見公於巴陵後公
沒三十年見公之子朝請即克禮於新齊人獲拜其遺像故為
之贊詞曰

不患無位患不克施吳公策名盛矣其時爰茲小官發跡剛鯁
乃擢言路其德井井盡言以箴敵已猶病不病不違惟右之聖
人咸公正不曰吾正吾正厥右而國斯定莫大惟節莫剛惟王
吾守吾節孰華孰穎豈弟君子世載其光與國咸休曰篤不忘
繳在斯莊激懦斯強至者欽哉公像在堂

夏輔道真贊

高隱處士

動中覓靜忙裏偷閑寓形宇內縮手袖間且以効少林之面壁
五柳之閑閑

先公畫像贊

西山先生

康節之子受古孝曰先天遇知已於平生曰文忠文正正獻忠

宣當紹聖大吏欲賊善類面兇心豺虎也力挽公而不前書十年以論宗寧日食星妖之政廢并擯斥驗於後二十年所臨之民名男女配社稷於公也未嘗姑以為憐忠信端亮有言可傷善與人交或面折其過行施衣不襲縗唯束書赴人之急雖甚受而可捐有一於此世咨其賢公躬盛德或幾乎全謙下貶損不自侈大若空先有焉其亡也幸士大夫相弔于家文其悲傷者大著於簡編其葬也罷市輟春杖老携稚流涕挽車者屬道里而後先丞相以公不起聞天子為之慨然恩以密章制鮮深厚極哀榮于九泉也

參寥子真贊

東坡先生

東坡居士曰維參寥子身寒而道富辯於文而訥於口外冠縑而中健武與人不競而好刺譏朋友之過枯形灰心而喜為感時玩物不能忘情之語此子所謂參寥子有不可勝者五也

我眉壽聖院寫真贊

范忠文公

余既致仕之六年熙寧八年也自京師還成都遂遊峨眉極登覽之勝先是峨眉僧奉如者議余為壽聖院之閣記記成而未至則奉如已死去及余來其徒在慶園余像於閣之東廂李自贊云

人安顯徐我則退居人尚壯少我則老矣緇褐何如懷金紵朱杖履何如高冠大車我之処世如此其迂而師見我勤勤泉畫我佛祠寄書景宗都求我自贊壽聖閣惠

自作傳神贊

莊溪居士

似是似是則不是縱使擠之九泉下也須出得一頭地休論捉月騎鯨到了衆人皆醉

又

特惟時雄時曰時黑不是徐翁鬚身又非豐干指出蓋廣戲游哉聊以卒歲浮沈於物而不膠於物者也

又

孰從而圖孰從而狀大千俱空况爾幻妻直須壁立千仞要直
事無一向雖然觀面相豈便是本來形相

又

意中過有半般忠筆下元無一點塵自笑頑冥一村老忽然今
日換精神

自寫真贊

穎濱先生

心是道士身是農夫候入那廟還居里閭秋稼登場社酒盈盞
頽然一醉終日如愚

了翁自贊

陳了翁

出出汝何人眼在眉毛下明月相隨万里來何處分真假問著
認無言有口終無語荊棘林中自在身即是知音者

自述

木齋先生

欲置之庵當吟心神氣甚銳與世接緣欲資巨軒豪方則高視
闊步脫去拘牽重難掃回可容卿百輩輩雖拙猶堪倚馬方言

廢博奮墜御風冷然蓋所謂不夷不惠而處乎木石之間

自扶吳

王臺王公

丹青冻成此名色色視聽寂然此名爲空色空隕非真空自在
惟其有之是以然之

新刊國朝二百家名賢文粹卷第一百八十九

新刊 國朝二百名家賢文粹卷第一百九十一

雜文

檄諭

招復流亡方口檄

木瑪先生

哲王御時寧無凶荒水旱之變使者率職當有遷定安集之勸
惟茲幽冀之邦最号富強之地人淳而毅慷慨尤存俗儉且勤
憂患尚在僅河流潤下或雨露適時則吠犬鳴雞自堪安於樂
土而遺秉帶穗可波及於窮民粵陛下總覽之初遵此等惟辟
之始徒然沉馬駝漢武之德褻特不受牲陋周宣之文豈獨首
軫慮聽採留神股肱之巨頃肯相望既優直以就力又益種云
勸耕料簡老羸憊蹶米粟入事至矣天意惻然凍餒之民已生
死而肉骨流離之子復肇義而漸仁況喬木之陰未壞而故鄉
之歸可樂携尔婦子招尔親朋解手抽心既空關活衆於久廢

即臻富庶勿憚劬勞今則朝廷與本藩已郡縣悉知上意將
明殆徧奔走靡遑尚思愚蚩之氓未諭招徠之惠聊綴撝語必
信毋疑

檄蜀文

唐恭愍公

契斯金人犯順都城戒嚴已逾半年日子區區憂國之心不
遑寧處昨於正月十三日差兵士魏俊李超聞道賈書審裏
至四月初二日到京特補官遣回尋令賈狀據本人稱金人
於四月初三日盡離京城邀致

太上皇帝及

嗣君皇帝並渡河前去聞之駭愕痛貫心骨血淚交流仆地
自摧號天莫訴再加審問其言京城確是搜括金銀士民如
故四月初五日

元祐孟太后垂簾聽政

康王元一辭總天下兵馬見在山東亦已奉迎即是宗廟社稷不失祭祀四海生靈不忘舊戴然

兩宮去駕蒙塵冒難凡爲臣子義當如何兄

太上皇在位二十六年改過不吝備見罪已之詔

嗣君皇帝寬仁恭儉天下歸心今一旦播遷万里跋涉而中外士大夫無一人効死請命以盡臣子之節者豈不爲萬世耻哉近承夫下兵馬大元帥

康王府移文經略范左丞令邀其歸路奉迎金輿此雖將帥之任所當勇爲凡我守土之臣豈可坐視主辱臣死乃臣子見危致命之日某疲病怯懦不能被堅執銳身先士卒以救國難亦不敢偷生忍耻苟延喘息以爲身謀不量小已輒欲率諸路守臣各優備禮物奉表前去大金國請迎

密輿其指軀冒死躬造絕域瀝血懇請況我同志宜鑒此心蚤爲之所毋貽後悔如有忠目義士願齊身同往或傾資勸

義各赴所屬具陳期以兩月決定一行念我
祖宗德澤遠育一百七十年必有忠義慷慨以徇
國家之急者須至移文

牒請縣念國難族番施行仍希公文回示謹牒五月
一日又小賤子上件事理如蒙孚察請差人赴京兆
府會集仍先希公文回示

諭幽燕檄

魯國先生

我國家運籌興符強包萬迹際天所覆履元不統臨盡海以懷悉
皆臣妾皆山生於壽域撫蒙澤於聖澤惟燕叔見凡之當得古幽
州之域鼓刀屠肆俱懷義烈之風擊鼓行歌成有英雄之氣曩
因摩晉割豎虜激功一時貽禍乃世多宗令姓家爲異域之
人奇士秀民永無先知之俗蔑聞五教何嘗百年風俗浸移已
作李陵之胡服謹語未改豈忘莊舄之越吟朝廷哀亦无草淪

於不化夷刑虜罰虐我遺黎大穢牟羶薰害故地爰整吊民之
旅不違倭后之情復千里之関河拯一方之塗炭今則遼東款
塞賊酋益寒靈武撤牙虜脅皆斷孤危之勢顛覆可知儻能用
夏變夷捨逆取順其如信賞當倍常科錄可用之新趾蠲無名
之暴斂庶令陷溺復覩太平

諭蜀檄

桐蔭先生

建炎戊申二月乙卯越二日丙辰蜀人劫王人諭汝礪衝改詔
命方是時王室多故天子狩于淮甸蜀遠服以故遠焉嘻甚矣
於是作檄以諭之曰告西蜀郡守縣令蜀距甸服三千里而遠
鑾輿輓在淮甸又益遠蜀強而無義劫王人標君命而違之王
人其來督貢輸也劫乎王人擅貢輸也王人以君命至投騎兩
司囊橐之餘祇奉乘輿巡幸之費蜀人迺復慢弃天詔帥厲所
部以肆其不端頗慮州縣守宰協比于尔肥德以奸我王命其
意以詔寧違詔令以偷安不敢違監司以取禍擅使供奉亦驚

巡奉犒師之具剽攘乾沒是蠹是剝謹按明皇狩蜀宮室峻壯
德宗幸梁儲峙豐備是雖崔圓嚴震忠腸義膽扶爾二宗翼起
唐祚亦惟吾蜀一二兄弟護存功德脩享不二今雖歲月荒走
岷山存焉遺家故峯揭揭尚在萬一天威震怒親御六師抗威
三秦門罪狀虜全蜀父兄寧不單食蠶漿以致糗于王師安有
六駢在行夏薄風露取諸外府以饋軍食而謂吾人忍有不令
之辭乎此殆蜀之後生不孰見先君子之故第見旆常車軒庸
蜀嶮遠輒復觀望凜然墜天子之命而財利是專繹尋文書悻
心蹴骨終夕慨念天未靖宋王室未有攸底敢謂蜀人背瀆天經
不師先王之訓而怙彊于靡躬又復自念朝廷多艱噤命遠方
尤當錮望自節弗敢墮墜豈謂蜀人矜其不蠲而亢妖于我行
人春秋書凡伯來求金家父來求車者繇君子之不修貢也書
晉魏舒合諸侯之大志于狄泉以城成周者大君子之勤王也
今天厚並虜之疾將惠眷于我有宋皇輿北旋行旆紫舒而蜀

遠之而大夫忘之而輕侮王室而剪其貢職使世有董狐書焉
管仲征之其書何曰二年春西蜀之大夫劫我王人云尔其征
何曰尔賦不入王師闕供云尔殆將以蜀而尊天子也何繼乎
蜀必曰蜀王主主大夫主臣貢賦王所有君臣之義古矣非聖人
虛名之也以為有人道焉則宜於此乎謹尔今豈異之蜀之士
大夫旨意得行而天子之詔令不得行蜀之士大夫得擅財賦
而天子不得有財賦蜀之士大夫名為恤民而售已私恩而使
遠方歸怨於朝廷之上人主之威柄撓於監司之頑舊朝廷之
號令奪於監司之枉率是謂指大於股其強在下茲風一長可
為寒心且諸郡舉事所以撓民者不一而獨謂收輕贖為困民
諸郡官錢在縣鎮者不少而獨謂收在州庫為防寇名為恤民
寔欺人也陽為防寇寔欺天也下用百姓仰欺朝廷嗟乎切為
二三大羞之也雖然大夫以王命出進退在大夫若蜀人不
忘朝廷惠顧于我一二無良之人驟馬造門錫之以大禮敢不

再拜惟命今則不遣一介略致詞焉伋然操筆而入是豈春秋之故哉昔者包胥將命督轡淮南少游劫之僅以還死史氏目焉遺臭千載使人不佞誤蒙朝廷鞭撻而帥職不慶汚螻君命行將束身天朝罪在不赦使人其敢辭第來牒太去豈使人之所敢與哉已委諸地鬱攸從之噫嘻將攸萬世志之咨尔郡邑尚其聽之母忽

本所竊聞華彥夏爲江州刺史每遣貢獻入洛不失臣節謂使者曰若道塗梗斷可輸之洛陽城下以明吾志之不忘晉也段匹磾謂邵洎曰汝欲執臺使乎我雖夷胡所未聞也行人不佞誤將使旨若使衛命二酋之間抗身凶暴之際雖流離顛踣有死無二而况吾蜀禮義之邦乎亦惟部使者暨郡守縣令謹修貢獻以輸不忘朝廷之心且使行人不辱君命免爲天下後世笑侮若群士大夫遂意不移爭奪自由慘舒任我而曰我不奉詔我不收買我不貢

敵是蜀之大夫抗節守義不如江州之舊養而行人失職
沉辱君命不如胡虜之僕妾也惟執事者實圖之

代成都師檄四川文

西山先生

知成都軍府事成都府利州路兵馬鈐轄誠諭兩路將士等
朝廷既付帥以全蜀兵民之寄帥深念國勢艱危思所以寬上西
顧之憂者不敢不力今敵國之禍半天下議者謂敵情終不能
忘蜀帥固料之敵人以鐵騎衝突決勝使其出乎原易野則勇
矣果扼吾蜀將自取禍也蓋天下之險在蜀大山長谷數千里
之間自古無路可出梯空爲棧以往來行者必棄輿馬腰短扶
杖後先相挽牽或棧壞則墮於万仞之下不見蹤跡此豈用武
之地哉敵之長技廢矣帥比下約束敵之來堅壁清野斷路據
險使其鼓勇則不得進示怯則不得退久駐則不得食將盡決
四山所涪之水灌之雖百萬之衆可使化魚鼈異物無遺也其
能得志哉此不待智謀拳勇之士譚笑可辨况有如諸君之高

才絕藝乎今官軍民兵與應募之士已百萬器甲犀利糧儲山積庠序明甚敵之動靜朝夕所知帥有備矣於此責將士焉傳曰師克在和不在衆無輕敵無爭功無信流言無泄祕計無以私事相仇皆兵家所忌也帥爲成都三年矣環百城之境無風塵草竊之虞朝廷察焉故當更而復留尺寸之功帥未嘗自列也帥之心可見矣以天之道社稷之靈朝廷尊安異時論保蜀之功帥將以將士之名次第上之不自有焉其或遠衆慢令不以帥之言爲用罰不敢私尚聽之毋忽

誠諭諸提舉常平司恤民

魯國先生

夫理財所以養民養民所以阜財知理財而不知卹民則民且散矣安得財而理諸財用不足而加賦擾民其害有甚於是者則財亦不可以不理此常平之法所以必不可廢雖廢而必復也雖然徒法不能以自行故國家置部使者任之以權授之以成書使專董其事予欲使民仰事俯育足以自給汝爲子欲使

民凶年飢歲無流離失業汝卹子欲使民疾苦呻吟有公自達
汝聽子欲使吏奉法惟謹無意外鑿空以侵漁小民汝察庶民
艱食赤子開口仰哺嗷嗷吏或恬視不戢圭撮民所不欲吏或
牽課抑強以利歲入之贏數期會未至吏或文移四出係繫鞭
朴以要治辦之功汝其糾察必罰無赦於戲有弊吏無弊法立
法之意至寬至厚條目至纖至是至明至白汝推而行之無俾
民受其害而歸咎於法無俾異意之人得以藉口譏謔無謂朝
廷不汝聞知朕言維暇其聽無怠

誡諭士大夫尚名節

學士劉偉明

朕惟先王所與圖治之人修絜雅馴植德甚固初若與世無營
而及位諸朝與寄之民上則不懲而考者仁肅不習而陋者化
通浮鏗不待鎮而厚濁墨不待激而清其久也臨大節而不可
奪居盛名而不爲難非盛世之効歟朕甚慕之今則不然士太
夫或冒沒輕儻阻深不情驕勢者以詭祿爲壯圖喜高者以養

望爲得策毒之事而身偷激之言而氣索甚者持之以得獎標
之以死生則低摧消奪惘然自失名節若此朕何望焉豈師之
者未至與意者玩日燭歲怙快於未流所謂風聲氣俗者靡使之
然歟夫中人之性惟勉乃至微倖之習不可滋長好是正直者
福必介罷黜往事者不待頌而廢古之道也其布告士大夫侵
知朕意

獲杭州軍賊露布

忠惠先生

蓋聞古者賜諸侯以弓矢使得專征用公侯爲腹心欲其守衛
所以作扞王至同獎天表春秋獻俘載于策命當所身任落鎮
職就戎兵當誅不庭以禦外侮乃者餘杭連卒叛命據城奮臂
一呼變生肘腋縱兵大掠禍及搢紳戕害使人蕩焚城邑至乃
捕衣冠而黥面驅士女以守陴念茲無辜劫以阻亂當所顧瞻
一舍之近傷悼重圍之冤拯溺救焚其忍安視痛心疾首誓不
圖存躬提戈矛率先士衆三軍奮發懲勸狼虎之師元惡就

擒卒正鯨鯢之戮仰承夫子之威命俯賴將士之協心兵无濫
戾市不易肆已今某月日殺獲陳通等不以賊遺君父已殄
凶殘凡克敵示子孫毋忘勳伐方觀諸將之郊首肆命幕府之
上功捷布諸州明曉士庶

誠諭百官修舉職事

王尚書子飛

朕惟舜咨四岳熙厥績以亮天工周建六官倡九牧以興邦治
蓋哲王之立政在辟吏之嚮方故職業交修於一時則功名著
見於万世昔我神考規恢承圖躬勇智之資銳意以有為擴神
明之德厲精於獨斷遠稽古制大正官名臂指相聯紀綱不紊
核名實以旌勤惰諫殿最而明賞誅士濟々以赴功吏帥々而
稱職至於器械工巧後莫能及憲章法度繁然以新肆朕承基
適思繼志率由舊典訓迪庶官今天省曹優崇寺監要劇都畿
郡邑則師帥之任御史監司則糾繩之權咸所仰成期于共理
尚罕闢於實効率競飾於虛名惟計資養望之私靡砥節自公

之志凡人士之銓綜若邦計之盈虛農桑勸課之宜刑辟重輕之當漫不底績習以成風或統臨縱弛而不能禁戢於姦邪或幹治苟簡而先以應辦於書卒事積不舉今稽聞闕失期會之旬時委薄書於胥吏朕有化民阜俗之意孰得而宣布朕有遵制揚功之謀孰從而奉行其何以固先帝鴻業於无窮俾熙寧良法之勿壞嗚呼百司庶尹三事大夫朕方圖任舊人以政在百僚尔惟相與戮力以各恭乃事文武協濟中外同寅用勛相於邦家以顯承於文考蓋克明明德者朕既勤止則功勉之賞者汝其念哉永有懌心靡懈于位毋或曠職以干明刑其布告百官使知朕意

諭諸邑宰

宇文南陽公

某自持從橐去主解政機周旋一紀備知累朝立政立事未嘗不以保息愛養黎民爲先務今者叨奉宸恩俾統郡紱不惟詔旨丁寧訓以惠養而千里之民皆望邸朝渴諧之舊來敷朝廷德

意之新惟僚屬計心族歲惠政修舉諸公蒞官日久於民事必
知本末望與佐官子細講貫應為民害及搔擾事件無巨細詳
悉推究小生不須申稟者一面改正不請但為文具仍且劄子
申知因以攷諸公勤怠不可專行省且細參酌利害條畫申稟
以憑參議施行

永州科舉勸諭

由肱先生

某竊以國家詔書取士之意蓋欲蒐求賢俊以為時用上則公
卿輔弼下則百僚庶工分布內外以興治道三年科舉之設雖
較一日之長它時建立事功乃有無窮之聞凡世名德皆出此
途上之待士可謂甚厚矣零陵一郡在湖南號為士鄉今古勝
流多嘗至此故士風所競習為儒雅今年諸邑試於有司者幾
於千人比造州廷儀冠其偉雖初文章童幼嚴如成人投匭陸
粲然可觀士鄉之稱信不虛語其區區之意尚有望於諸友者
願先儒夙夜訓誨諸後生各務遵修士檢祗畏鄉評整齊衣冠

出入場屋使節風之盛禮法之美不愧傳聞朕淺上副朝廷求士之意其不孝無能以游庠序及為太宰博士數預考試每見太宰士人群試真院唯展紙濡筆之聲寂無人語前輩有詩云無譁戰士銜枚勇下筆春蚕食葉聲蓋謂此也皆以揖遜相先以起居相問凡取士之數固已有定額雖未必盡中前名然皆不失為名士聖朝恭守士鄉歸居里閭之下道聚陵之盛亦預榮幸輒此布聞乞旨兢慎

伸道諭并序

東溪先生

君子無所用其辭然不得已而有言必詳然訓諭流俗者非以伸己蓋伸道而已故曰伸道諭

昔東方朔作荅客其後文士相仿各著一編考其文辭其旨各異若班固之實職張衡之應問郭璞之客傲雖設詞自適不顯之憤悱然尚微文見意未敢屑屑主利祿甚著有馮衍之顯志曹毗之對儒直以訟其名位不充其辭乃戔於巧訐至於崔駰

之達官蔡邕之釋誨雖不免於近名然率以恬夷自居頗異諸
子若楊子雲之解朝皇甫士安之釋勸其將去世味誦之使人
有世外情吁可尚也夫以韓退之之賢作進孝解其名雖若皇
皇於仁義然其實以諛執政而苟速進果用是以得美官矧其
餘乎然則士之恬於榮利之難其人哉余廣覽前人作伸道論
將以矯枉疾世故雖激而不能自已也

東溪居士結靈幽僻澁檄榮寵膏肓墳籍體痺而不知倦心醉
而無所息家苦貧蹙不自憂戚方且濯激水以詠古倚踈篁而
挾策志大言闊神橫氣逸灑九命於微塵壓八紘於樊席務畜
貪得恬閑自適有仕進公子慕勢之徒赫赫驕氣揚揚僕夫長
梢曳雲紫黼黻叩靖節之衡宇顧孔明之草廬入不待報揚
袂塔除顧見居士緇蓬之閭環堵之室童頑不能應門客至無
以命帝志憤且厭失聲而啣於是仰而嘆俯而思若有所激涉
逡巡而致辭曰蓋聞士之處世如賈營市水陸多積有無畢備

豈唯囊物以固藏蓋欲乘時而取貴今先生採六經之妙鉤百
氏之微上窮古初下訖聖時道術多目方區異歧駢縱驚橫博
聞廣師數盡靡混沈樞東支離藥病攻磨蟲收英嶺奇書契已來寸
長不遺煥爲文章三辰發揮博不至於浩蕩以雜涓精不失於
輕單而近醇序事則遷固平揖麗詞則淵雲氣裊闡釋紆餘
詠歌佐之筆陣所鑣環中紛被萬象不能虛其殼四時無所遁
其機是則先生之於李可謂貫道而詳事窮理而善辭矣然而
僻修經濟之大猷工製混雄之妙作不追當世之好自立一家
之學醇醴者人以爲古典雅者人以爲朴黜華靡者以淡刪虛
無者以略多引傳記李者不解其義不愆釋老有司何由而擁
是以務大而不適近畜多而無所施三舉賢書兩黜禮闈空抱
不時之貨自珍難售之資進不得綴名於先進之版退不能貽
法於方來之規人嚮我背衆行獨違弃利祿之頭廷趨孤窮之
澹夷耕獲不充妻兒之饋桑麻不給寒暑之衣方務高謝城市

其足枯槁弄禮滅法眠雲藉草崇隱藥以矯時遺俗壁而寄傲
出處之節有志所不蹈也愚聞之急於速達者不可躡迂迴之
路苟於衆聽者不可操恬淡之音故改轍而趨發笑之善惡更
張而沈趙璧之良琴先生亦易園方嚮圖釋古以今屈俯從之
近望回長往之遐心例進厚顏之策雷同下世之吟此圓機之
士所以容易而懷金不已榮哉居士矍然而笑曰昔豢龍氏牧
龍于郊腐鼠在焉鴟將啄而食之懼龍之喙其腐嚇嚇而作聲
鳩欲舉腐而觸龍豢龍聞而笑曰我豈甘於腐者哉鴟既失之
鳩亦未為得也士不造乎道則已若稍涉其途則行已之迹豈
一端而已哉或出或處或默或語毋固毋必能規能矩修爲之
序以德爲元德不足則求於功功不足則求於言三者雖異以
享爲地最下不享而亦名位上世之士無所不通沈潛愈久畜
積愈豐地載天絡海深岳崇成各不啻時夏茂烈可以爲龍然
且脩其天無求其久明其道不計其功以退爲進處賢者庸庸

鶴茂聲雲蘿孤峯高卧翫世潛聲隱容天子詔而不起公府交
而不從萬乘侍爲師表羣儒仰爲宗工其或闢道徑綸拯時仕
宿警靈取決紀綱倚辨論事則當食借飭草文則史曹脫腕角
巾指顧復齊社之七十羽翽雍容破肥師之百萬用捨係國之
輕重言動殿時之理乱才未盡而引退功不酬而罪怨雖丹陛
之虛襟淵高情而不面用全始終之義鮮復滿盈之譴世道交
喪才能罕全養高爲鈍躁進爲賢忽詩書而捨正圖功利以從
權足未附乎閔顏之堦身欲差乎鬼董之肩經惟射策乃務習
之非則未嘗睨焉辭惟使科乃益工之否則未嘗試焉親黜隱
諱以希合焉觀望嗜好求速售焉假託希代編錄私挾蠅頭粟
粒非三出也下請求謁假親對易苞直報謝非公薦也門生子
弟相委屬也命題授意相取驚也產者以私情而授未達能者
以餘力而釣不能橫截仕路交相以朋澤穢芝蘭之室壘埃祀
瘁之林爲俗流之歆羨取君子之排憎平居布衣鼓頰正直一

齒仕版泐面變色異已者雖伊周必謂莽卓啗恩者雖楊李號
爲契褻仕俗蜂競權門市合以奔競爲巧以方直爲迂以跳梁
爲智以懷道爲愚含哺之下尚耻不仕則天下安得而有儒昔
相詔竊仕猶謂天下咸有厭道之士而愧已獨無乃強皇甫以
充之今赫赫

盛朝隆隆千祀而巴里無逸民山林無隱士
則奔競之風亦可愧矣爲矛盾者又將攻吾以朝廷有道野無
貴賢又安用乎隱爲然則區區之說不免爲詭譎者開其隙罅
也夫出處之道雖係多士而國之大命實寄於斯故山林之士
往而不能返則人君孤立而任使之力輕朝廷之士入而不能
出則風俗苟貧而廉耻之節喪任使之力輕則無與有爲廉耻
之節喪則無與有立無與有爲者危無與有立者亂出處在彼
而危亂從之謂爲國命之所係不是過也知處而不知出其弊
遂爲任使輕故伊尹救之以任知出而不知處其弊至於廉耻喪
故伯夷救之以清伊尹伯夷非病其身於一偏之地矯時制

行所救者然爾貪林之風躁妄之俗亦無甚於今日者吾不知
誰爲伯夷也子習是風粗是俗由奔競而苟得不自知其浼我
又將振而矜之譬猶蠹種之蠹持壤之蛆久安于污嗜以爲潔
而不覺傍人之擁鼻歟且以人而榮必以人而辱由勢而貴必
由勢而賤榮尊貴賤相爲昏且子重儻來之寵祿而輕固有之
德義厚鼻腐之梁肉而薄馨香之文旨其勃甚矣吾聞返塊之
香可以活髒然不能止躁者而使靜却老之餌可以變白然不
能辭迷者而使覺歷觀神農之品恨吾無以爲子藥也昔者荀
氏反覆於義榮孟軻丁寧於天爵蜀莊自適於沈冥楊子甘心於
寂寞何休坐錮而訓解士安託疾而製作望魯吳料而論撰史
雲升吏而游學樊誠有意於前哲未能捨此而從若於是躡桃
推之甚廣儻何點之酒鎗耕食子真之品各休居夢遠之林泉
月食四斗不拜詔而日給圖寫六人不結交而德聯未嘗看日
以隨駕不坐載輿而免官體俊士之不嫁隨先生之灌園所樂

者此而終天年子姑退矣吾將馮子寄聲青矢緝與居士展白
雲而略眠

新刊國朝二百家名賢文粹卷第一百九十

新刊 國朝二百家名賢文粹卷第一百九十一

雜文

題跋

黃氏易圖題後

石室先生

易以數變以管攝天下之事物橫該直涉穹崇廓遠幽玄隱奧無所不及古之人得一緒而力引之舒演盤約以系其說滂泮混漭而初若有以可紀者究其堆合迁就往往於前未亦自整今之所謂京房之學者是已房既受術於焦延壽延壽嘗謂房必以吾道亡其身後果然豈以其自置太審而尚鑿者歟取六十卦更直日事候一歲風雨寒溫以効其裁休獨以坎離震兌號方伯監司以分至專主之氣主之其事疑彊配不精解勤且勤矣然後人臨文所惑奈何故吾庶先之論由此而興矣庶先少遊四方博學善辯閑識甚廣无不曉貫因悟周流六虛之說遂以完合京之鐫漏散八卦所重之畫均諸消息而著之圖焉

終始出入无一詩謬如瑤之聚斗如輻之擁轂循規復矩不失倫類復撰明閨衍圖卦氣三篇以正諸家之未至以辨傳記所以沫沒之意磨神睛補鬼髓庶先之深功厚力也欲視於出求此題述試為道其大抵世之君子考其圖閱其書者皦然若粉墨界畫不待講解而其法自得此吾所以不復區區也熙寧己酉孟冬望日墨君室書

題蕭欲仁大學篇後

龜山先生

孝始於致知終於知止而止焉致知在格物物固不可勝窮也反身而誠則舉天下之物在我矣詩曰天生烝民有物有則凡形色之具於吾身无非物也而各有則焉目之於色耳之於聲口鼻之於臭味接乎外而不得遁焉者其必有以也知其於物而不可遺則天下之理得矣天下之理得則物與吾言一也其有能亂吾之知思而意其有不誠乎由是而通天下之志類万物之情復天地之化其則不遠矣則其知可不謂之至矣乎知至

矣則宜有止也譬之四方萬里之遠苟无止焉則將焉歸乎故
見其進未見其止孔子之所惜也古之聖人自誠意正心至於
平天下其理一而已所以合內外之道也世儒之論以高明處
已中庸處人離內外判心迹其失矣是故余竊謂大孝者其學者
之門乎不由其門而欲望其堂奧非余所知也蕭君欲仁志孝
之士也錄示大學一篇求余言以題其後其意蓋非苟然者故
聊爲發之苟於是盡心焉則聖人之庭戶可策而進矣欲仁其
勉之哉

題郭舜與夫子十哲像

西塘先生

身生千載之前而心存千古之後處身環堵之室而道周六極
之外生死无必而致之必窮達无必而行之必晚周而來一人
而已宜乎窮天地薄寰海所以宗嚮崇事如一日不異十子之
在側也舜與古人之徒也觀所崇嚮而知所存矣

題樂毅論後

稼章先生

字嘗戲為人評書云小字莫作凝凍蠅樂毅論勝遺教經大字
无過瘞鶴銘隨人作計終後人自成一家始逼真然適依小楷
亦不能擺脫規矩客曰子何捨子之凍蠅而謂人凍蠅子死以
應之固知書雖恭糊等技非得不傳之妙未易工也

題范巨卿傳後

姑溪居士

朋友之道廢久矣託生猶不可得况託死耶凜凜若人至今尚
有生氣思道獨友之於千有餘年之後豈其金石不渝真存志
於是者坎遂假一時善書者錄以置座右而時用以自警策且
復告諸氣類孰不知有是道孰不知有是人而未有彷彿於議
論商榷者詎能雍容履踐將與之並驅爭先乎吾知勉矣亦由
思道而發之也

題東漢官者傳

斜川居士

先王之有天下貴無事而賤有功以為功非盛德之事也兩之
為功也以旱食之為功也以飢藥之為功也以疾夫不早不飢

不疾物何自而爲功哉雖然君子之功則庶幾焉小人之功禍亂之道也雨止於濟旱食止於已飢藥止於已疾君子之功也雨至於淫食至於厭藥至於過其傷人多豈非禍亂之道也師之上六曰大君有命開國承家小人勿用家曰大君有命以正功也小人勿用必亂邦也嗚呼小人有功亡無日矣何以言之止功而賞不足則怨怨則亂賞稱其功則驕驕則專君將不堪則圖之矣然吾又與小人謀去之其禍則又甚矣勝則權移於人敗則身任其禍卒之於亡也吾觀東漢之季始喪於宦官終喪於權臣何也小人有功之患也鄭眾以竇憲之功顯孫程以立順之功奮五侯以梁冀之功偏而中常侍矯殺陳蕃竇武遂擅國命非大剪裁之庶以謝天下也而袁紹之懲小人之功使董卓除之宦官少衰而卓熾矣流及惟汜之亂曹操卒以勤王之功代漢豈非小人有功之過歟夫唐亦然自肅代以承官人典兵雖無四夷之功而有立諸之私至謂天子爲明生天子亦自

德之曰朕不思尔援立我也其敢忤之哉故劉季述之變韓全誨之迫有自來矣而崔涓乃以朱全忠除之全誨死而唐亦亡矣天下之權一耳不在此則在彼吾既失之矣不假手於他人何自得之哉然其人能曰取之而復以歸我者蓋鮮矣故權之移人曰亡形成哉蓋漢唐至於宦官非曹操朱全忠也夫以刃決雖變生之至然得不死於雍而死於刀其與幾何陽虎欲去季孫不克而世魯之福也使陽虎有去季孫之功魯之國政欲安歸哉其僭於季孫也必有其焉晉趙王倫以滅賈氏而至於篡齊王固以謀孫秀而至於專其餘諸王更相屠戮以盜威福卒貽天下之亂晉由東徙小人有功之禍也如此可不畏哉

題蘭亭帖後

浮休居士

正觀末太宗一日附語高宗吾欲就尔求一物可乎高宗跼足俯伏從之對曰身體髮膚受之父母國家天下陛下所賜此外更欲問目求何物太宗曰吾千秋萬歲後欲將蘭亭如何高宗

再拜哽咽而已至昭陵作治以玉匣內之玄室其後昭陵累經
開發蘭亭復出人間元豐末有人自兩浙與織女支機石同贖
入京師至太康縣直裕陵奉諱不獲上之質錢於民間而去今
不復聞存沒玉欽臣云支機石子嘗見其圖可方二寸不圓微
宛政碧天漢左界北斗經其上太宗在唐不世主也一書之微
生以計取死以愛求生猶可玩適死將何爲哉至此與夫富民
多藏厚葬者無以異也

題陶淵明詩後

濟北先生

詩以一字論工拙如身輕一鳥過身輕一鳥下過與下與疾與
落每變而每不及易較也如魯直之言猶砭砭之於美玉是已
然此猶在工拙精粗之間其致思未白也記在黃陵日見東坡
去陶淵明意不在詩詩以寄其意耳采菊東籬下悠然望南山
則既采菊又望山意盡於此無餘蘊矣非淵明意也采菊東籬
下悠然見南山則本自採菊無意望山適舉首而見之故悠悠

志情超閑而累遠此未可於文字精特問求之以比砥礪美玉
不類崇寧三年十月晦日是補之題

題白蓮社圖後

濟先先生

周禮百工之事皆聖人作用志不分迥疑於神張顛觀公孫笑
娘舞劒而直書長進此豈筆墨踐徑間得之耶齊魯俗撲工技
世守知變通者少而繪畫史孟仲寧獨善學知余得意之事中
惠聽主言使集吳道玄閑全韓幹魏賢李成郭忠恕許道寧數
子之筆為白蓮社圖甚似

題李白詩草後

豫章先生

余評李白詩如黃帝張樂於洞庭之野無首無尾不主故常非
墨工槩人所可擬議吾友黃介讀李杜優劣論曰論文政不當
如此余以為知言及觀其藁書大類其詩弥使人遠想慨然自
在開元至德間不能以書傳今其行草殊不減古人蓋所謂不
煩繩削而自合者歟

題輞川圖

豫章先生

王季詒自作輞川圖筆墨可謂造微入妙然世有兩本一本用矮紙一本用高紙意皆出季詒不疑臨摹得人猶可見其得意於林泉之歸歸

題樂天詩卷後

豫章先生

營丘王聖涂守忠州其治民事如庖丁之解牛其摘吏蕪如疇廢之冰蠲故不幾時郡中無一事頗好罇俎求樂天平生行樂處集歌舞醉其餘余故書樂天忠州得意詩讀之使知余欲樂然一笑於其間而不得也

盧杞傳題後

石室先生

盧杞少時已險惡無正行藉父弈清名人不識其醜為虢州刺史虢有官豬三千杞因奏言豬患民甚德宗為徙沙苑杞復言彼亦陛下百姓莫如食之便德宗喜曰杞守此而憂它宰相材也乃賜豬貧民立召杞為御史中丞遷大夫遂以門下侍郎平

章事異乎哉杞也士大夫立朝能自以其才結上知而都貴往
者於古幾耶蓋嘗有所因於人然後可以脫塵泥而薄雲霄矣
彼因之者或未能有以厭於中雖非已所願求而它自欲以已
爲其重行之至此尚亘逡巡顧慮去就以避天下之大論一失
之已爲當時所謂君子賢人者姍笑不存綠所服塗地矣自昔
帝主命相以夢以下以自識其器業以得之於左右正人端士
以深知其久負於海內之望者旣審矣乃置之高廊之上朝夕
與之講議所以安養元元之治重神機宣靈謀崇固萬世大業
而共饗無疆之休烈乃當然尔今杞皆不然獨以豬爲媒而遂
至於宰制天下士民之命毀國章貽主禍頒替壞爛蕪覆狼藉
如此豈上天以時將溷亂擾攘不可支持而生杞與國俾造此
紛紛者耶元乃先以其非示人謂杞體雖人而行禽獸故使中
畜產以進者耶何其本末輕賤陋惡若此之甚也天意若曰杞
很躁穢蠖類豬故以豬發其身噫杞可賤矣然天之所以命人

而作當於其後者亦已恆矣

題正元詔書

錦屏先生

正元詔書雖臨本然氣象固在當時書史能爲之固知善書多矣非雅好不凡者詎能藏去也吐蕃寇邊得違於正元間平涼之盟遂墜其計中然馬燧渾瑊皆老於事者何偶失於此邪渾令公僅以身免一時陷沒戮辱者以千數百人其可耻也進朝者頻被獎勸有徇義勤王奉國志身之語定非碌碌者而史逸其事無以按攷惜哉

題韋蘇州詩

陵陽先生

蘇州少時以三衛郎事玄宗蒙縱不羈玄宗崩始折節務讀書然余觀其人爲性高潔鮮食寡欲所居掃地焚香而坐與豪縱者不類其詩清深妙麗雖唐詩人之盛亦少其比又似晚節把筆文字爲者豈蘇州自序之過欤然在天寶間不聞蘇州詩則其詩晚乃主爲無足怪高適年四十始學詩亦遂名家非其本

絕人莫能爾也少時不知有韋蘇州晚讀其詩清深妙麗在陶柳之間恨見之晚然余少時豪氣未除就令見之未必能愛乃知李者讀書當自有次第也本朝以文名世者多矣然柳州蘇州自歐陽公尚未之愛宋景文作唐書文藝傳舉唐之能文者皆在至於蘇州則以為史家軼其行事故不書此豈知史法者

題杜子美八仙歌

狀元何公

五月既望予病初起支離東牕抱膝危坐假寐而夕鳴蚊遠騷蠕蝠飛簷或見金樞放月流光溶溶照入牕戶几案卧簾間歷歷可數至疑予攝衣欣然起而歌曰快哉有是乎此李謫仙舉盃數月之高興也薰風南來襟袖冷冷須臾暴然庭木掀蕭子復浩然而歌曰快哉有是乎此陶淵明自號羲皇上人之清歌也有如此月空齋如水亦然歌酒以侑幽雅乃發篋取杜子美飲中八仙歌讀之且以酬一時之興而補歌酒之缺也諷誦數四周回無倦窮繹辭意知子美叙此八人之飲酒否亦自有詮

次夫酒徒醉客寄懷於盃酌間死生利害榮辱是非未嘗係累於胷次古人所謂得全於酒者也劉伶酒德頌云死功醉鄉記言之曰若賀老人能飲乃所謂德全於酒者乎此非士人之所能及故子美首歌之曰知章騎馬似乘舡眠花落井水底眠則知其死生利害是非榮辱或前不擇而後蹈之也雖七人之皆得於酒而未有賢如賀也若夫高談雄辯乃謂不善飲者將與古罵坐者等輩不故獨寂後之讀之百過若飄々然斯人相從於樽俎間蓋實有慕於斯人之徒也牛夜漏移雲高月轉風定籟息舍策酣寢不知大昕鳴鼓東方之向辰矣

題柳仲塗天平山記後

韓魏公

林慮天平山者天下絕勝之境也山有僧院曰明教余三來守相欲一觀而未得茲僚屬出按縣與夫過客之好事者悉能往而游焉向少大託于余曰是實雄偉秀拔不可圖畫雖東南諸山素有名者皆所不及余姪婿柳材者本朝大儒仲塗公

之孫也余嘗得公所撰游天平山記于村家見其所叙游覽之勝凡山之諸峯巒壑洞潭谷澗谿泉石之名无不具載而聞今之所稱類多與公所記改易不同於是余益欲往周訪其畧續為說以明之而院之主僧智因嘗得美石欲先以仲塗公之文刻而傳之故余未克如其志噫公之此文不傳久矣非余得于其家而因帥之勤如此是必沉鬱而不顯抑公之文固有神物所護使卒能傳之也矧既刻石余因舉其大略以書于後具位韓某題

題江南李後主書

浮休居士

右江南李後主書雜說數千言及德慶堂題榜大字如截竹木小字如聚鍼丁似非筆跡所為者歐陽永叔謂頤賢公書豈正直方重如其為人若以書觀李王可不謂之倔強丈夫哉然一何柔弱骯髒之甚也孔子謂以貌取人失之子羽聖人親見其面猶不能知其心況以字畫而揆人者哉

題 太宗皇帝御書 豫章先生

熙陵以武定四方載藝藝兮矢文治之餘垂意翰墨妙盡八法當時士大夫皆親承指畫嘗稱契史懿王筆法入神品中外書卒不能出其右仰觀英輿人不可誣

題王元之文集後 陵陽先生

故翰林王公在真宗朝再知制誥謫守黃州至今黃人思之立祠於孝及承天寺余靖康元年再除中書舍人左遷應天尹遂謫齊安至郡三日拜公之祠則已遷於城外安國精舍訪公遺迹略无在者唯竹樓僅存耳父老言異時以公黃州所著文章刻為版本藏在州庫問諸庫吏亦不復有余慨然太息即日符郡復修祠堂且求版本但重刻之會移蔡州不果公之道德文章余雖不敢竊歸萬一然百餘年間自書命守郡實繼公後紹興元年寓居洪州知錄事公之裔孫也出示小畜承明二集謹題其末八月九日

題清獻公畫像

石月先生

公冰雪之操播聞天下措紳士夫咸知仰重清獻其稱矣夫子
季古人而未至者也少年日不及一拜德容今覩遺像非特致
敬又有勉焉大抵清德天地人物皆然星月浮空微雲翳之則
昏源泉在谷塵埃涓之則濁冰瑩玉壺溫暘暴之則釋若乃清
德在人世變不能移貧賤屈辱不能累富貴利害情慾不能撓
人情所甚欲者略无毫釐可以撓拂吾冒中其為清也不亦至
乎此君子之清德所以為可貴也本朝文明之盛鉅公名卿多
矣惟公獨真真名豈非清德與人同所以為清者與人異乎其
同也其異也吾年將百老亦甚矣智不足以明也後之君子必
有議其特焉公諱下字閱道三衢人也宗盟襄公立朝忠嘉與
四賢同美載仕國史人自熟其姓氏

題文正公与雷太簡書

錦屏先生

太史公謂伯夷叔齊雖賢得夫子而名益彰顏淵魯雀附驥

尾而行益顯信哉雷太簡以高節聞於時得從文正公遊而公每以高人呼之則太簡之名滋不朽矣

題溫公布衣銘後

淳休居士

執布衣而求溫公之德亦何異持筌坐水濱而待魚者布衣銘紳銘義方要旨三軸皆溫公所書有趙大觀公休跋尾竊思自元祐丙寅至丁亥午不五年間三人相繼而逝墨色如新而去三屢歎

題坡公樹石圖

錦屏先生

淡墨搗筆點染刹那而灌木槎牙頑石殺散意象皆盡此山谷所謂道人所易畫工所難也嗟夫其人騎箕星而此列星矣以圖乃遺落人間者曰傳詠蕭協律畫竹云從今此竹尤難得彼謂盡也此非獨謂畫也

題先公字後

斜川居士

吾先君子豈以書名多哉特以其至大至剛之氣發於胸中而

應之於手故不見其有刻畫嫵媚之工而端乎章甫若有不可
犯之色知此然後可以知其書然其少年喜二王書晚乃喜顏
王原故時有一家風氣俗子初不知妄謂李徐若陋矣公之書
如有道之士隱顯不足以議其榮辱昔之人有欲擠之於淵則
此書隱今之人以此書為進取資則風俗靡然爭以多藏為夸
而逐利之夫臨摹百出朱紫相亂十七八九矣烏乎皆書之不
幸也陽春白雪之歌豈容閭巷小人皆好哉雖然無知習役於名
以偽為直不足責至搢紳士大夫家為世所欺可為大息而又
有妄庸者居其間曰謂能是正其非強聒大言反以真為偽其
與知則一也而使此書或至正石俱焚是重不幸也過待先君
居夷七年所得遺編斷簡皆老年字落其華而成其實如大羹
玄酒朱絃踴越將取悅於婦人女子難矣哉世方一律殆未可
言且非獨書也斯文亦然公昔為藏經記初傳於世或以為非
公作其後知之者以為神奇在惠州作梅花詩有以為非至有

以為突此皆士大夫間以文鳴者其說能使人必信其謬妄如此乃知識古戰場文者鮮矣可為流俗痛哭過謹書臧于家

題邪說論

龜山先生

昔王荆公以邪說暴行禍天下三十有餘年余備位諫省論之去其王爵罷配享太享諸生薰陶王氏之孝父矣闕然群起而非之賴君相之明卒從其議今觀諸公之言是非已有定論則余之言可以傳信矣

題李光論馮解劄子

南軒先生

臣伏見臣僚上言推尊王安石為名世之孝之榜朝堂欲以傾動海內流播天下鼓惑眾心事係安危義難循默臣已具論列微奏外臣訪聞為此說者乃諫議大夫馮解解誠腐儒不達世務浸淫王氏之說深入骨髓平居議論以安石為孔孟之流元符末上書獨入正等力詆郊特以為哲廟逐臣不當復用懷姙造謗老而無識止緣崇寧曾有

渥鄴棄地之謀為蔡京所逐因得虛名考其素節無可方
道究其孝問誠為頗邪臣觀王安石在熙寧元豐間神宗
皇帝大有為之日創置三司條例司司馬光爭論神考
之前因述英閣進讀奏請何曹然事光曰然不如何法得
守成之道故孝惠高后時天下晏然衣食滋殖神宗曰漢
常守蕭何之法不變可乎光曰何獨漢也使三代之君常
守禹湯文武之法雖至今存可也書曰無作聰明亂舊章
武帝用張湯最苛帝法紛更之盜賊半天下元帝改宣帝
之政而漢始衰由是言之祖宗之法不可改也獨安石壽
任已能非却衆論當時大臣如韓琦富弼諫官御史如范
鎮呂誨純仁之流信所謂名世大賢盡遭斥逐或致仕以
去而任用呂惠卿舒亶李定皆時傾邪小人不畏天下之
公論不卹百姓之愁苦不顧宗社之安危馴至蔡京蔡下
台乃死黨操述作之說禁錮天下忠賢掃除祖宗法度下

十年間言路有防川之蔽海內多敢怒之民愁痛無聊至
此極矣伏自陛下即位以來破拘攣之說掃未習之蔽躬
履素朴持循典故發政施仁無一不合人心當天意者士
大夫思稅駕之地百姓望息肩之期王氏之學尚復忍聞
之乎解職在論思獻納之地不能以道義裨贊聖聰返以
安石爲大賢託中道以濟其偏謬假公論以遂其私情懷
茲不忠熒惑主聽伏望陛下察其回邪洞照謬戾特賜褫
斷罷解諫職并使居外儻官所論未回聖慮臣亦不敢復
冒言路亦乞重行黜責以爲妄言之戒冒犯天威臣不勝
皇懼激切之至取進止六月日朝奉郎守侍御史臣李光
弼子

御批

祖宗之法子孫當守之如金石恭奉京首鳴鑼述變執舊章至於
今日可作一詔付吳玠

月拭創見靖康翰墨并應痛哭不知涕泪之橫流也切惟
國家自王安石壞祖宗法度以行其私意姦凶相承馴兆
大變至靖康初元國勢垂危而如馬鮪輩猶敢封殖邪
說庇護死黨如此傳曰爲國家見惡如讎農夫之務去草豈
芟夷蘊崇之絕其本根勿使並殖則善者信矣正誤國之
罪推原安石所謂其本根者然興詔書有曰荆舒禍本
可不懲乎大哉王言也乾道三年秋八月戊戌呂拭拜首
謹書

新刊 國朝三百家名賢文粹卷第一百九十一